

NOTA INFORMATIVO

Yenamento di 'reparatietoeslag'

Introduccion

E nota informativo aki ta pa tur doño di trabou cu tur luna ta paga 'reparatietoeslag' na nan empleadonan.

'Reparatietoeslag' ta destina pa e empleado cu tin un salario mensual bruto entre Afl. 1.639,69 y Afl. 2.500,00. E 'reparatietoeslag' ta Afl. 115,00 pa luna na un salario di Afl. 1.639,69 y gradualmente ta bira Afl. 70,00 na un salario di Afl. 2.500,00.

Como doño di trabou bo tin e obligacion di paga 'reparatietoeslag' tur luna na e empleadonan cu tin derecho riba dje. Alabes bo tin e obligacion di yena e 'reparatietoeslag' cu bo a paga den un luna, den bo formulario di declaracion di loonbelasting/prima di seguro social. Bo por desconta e 'reparatietoeslag' cu bo a paga, for di e suma cu bo mester paga na loonbelasting, prima di AOV/AWW y prima di AZV.

Ta importante pa bo yena e formulario di declaracion completamente y corectamente. Den e nota informativo aki bo por lesa con bo por haci esaki y di cua instrumento di ayudo bo por haci uzo.

Yena formulario di declaracion completamente

Bo tin e obligacion di yena e formulario di declaracion completamente. Esaki ta nifica cu bo mester yena lo siguiente:

- cantidad di empleado
- cantidad di empleado cu 'reparatietoeslag'
- total di 'reparatietoeslag' paga
- total di salario
- e sumanan den e kolomnan 'Aangifte', 'Reparatietoeslag' y 'Te betalen'
- fecha
- firma

Yena formulario di declaracion corectamente

Banda di yena e formulario di declaracion completamente, ta importante tambe pa bo yen'e corectamente.

E skema den bo formulario di declaracion ta muestra asina: (e codigonan den e kolomnan ta referi na e splicacion aki na banda)

| | Aangifte | Reparatietoeslag | Te betalen |
|-----------------------|----------|------------------|------------|
| Loonbelasting | A1 | R1 | B1 |
| Premie AOV/AWW | A2 | R2 | B2 |
| Premie AZV | A3 | R3 | B3 |
| Totaal | A4 | R4 | B4 |

Kolom 'Aangifte'

Den e kolom 'Aangifte' na A1 te cu A3, bo ta yena e sumanan cu mester paga. Na A4 bo ta yena e total di A1 te cu A3.

Atencion!

E sumanan den e kolom 'Aangifte' nunca por ta negativo. Yena solamente cifranan cera.

Kolom 'Reparatietoeslag'

Den e kolom 'Reparatietoeslag' bo ta yena e sumanan paga na 'reparatietoeslag' cu bo mag deduci for di e sumanan cu mester paga na loonbelasting, prima di AOV/AWW y AZV. Pa esaki ta conta 2 regla:

Regla 1: e deducccion di e 'reparatietoeslag' cu bo a paga nunca ta mas halto cu loke bo ta declara pa loonbelasting, prima di AOV/AWW y prima di AZV. Esaki ta nifica pues cu:

- suma di R1 nunca ta mas halto cu suma di A1
- suma di R2 nunca ta mas halto cu suma di A2
- suma di R3 nunca ta mas halto cu suma di A3
- suma di R4 nunca ta mas halto cu suma di A4

Regla 2: prome bo mester deduci e 'reparatietoeslag' di e loonbelasting cu bo a declara, despues di e prima di AOV/AWW y dje di e prima di AZV.

Pasonan pa yena kolom 'Reparatietoeslag' den e formulario di declaracion

Paso 1: yena e suma cu a paga na 'reparatietoeslag' na R1. E suma aki no mag di ta mas halto cu e suma di A1.

Paso 2: yena e suma restante cu a paga na 'reparatietoeslag' na R2. Atencion: e suma aki no mag di ta mas halto cu e suma di A2.

Paso 3: yena e suma restante cu a paga na 'reparatietoeslag' na R3. Atencion: e suma aki no mag di ta mas halto cu e suma di A3.

Paso 4: conta e sumanan di R1, R2 y R3 hunto. Yena e suma total na R4.

Atencion!

E sumanan den e kolom 'Reparatietoeslag' nunca por ta negativo. Yena solamente cifranan cera.

Kolom 'Te betalen'

Den e kolom 'Te betalen' bo ta yena e sumanan cu finalmente bo mester paga.

Pasonan pa yena kolom 'Te betalen' den e formulario di declaracion

Paso 1: kita e suma di R1 for di e suma di A1. Yena e resultado na B1.

Paso 2: kita e suma di R2 for di e suma di A2. Yena e resultado na B2.

Paso 3: kita e suma di R3 for di e suma di A3. Yena e resultado na B3.

Paso 4: conta e sumanan di B1, B2 y B3 hunto. Yena e suma total na B4. Esaki ta e suma total cu bo mester paga.

Atencion!

E sumanan den kolom 'Te betalen' nunca por ta negativo. Yena solamente cifranan cera.